



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Benedictus Redivivus Hoc est: Benedictinij Ordinis
Vetustißimi Amplißimique, Nostra, ac supera ætate
Jmmarcescibilis Vigor, ac Viror**

Bucelin, Gabriel

[Veldkirch], Anno Christi. M.DC.LXXIX.

Iesu Christi Annus. M.D.C. Sancti Patris Benedicti. M.CXX.

urn:nbn:de:hbz:466:1-38498

confuleret, nec contemnendum Ecclesiae fructum produceret. Ex his fuere: *Decades decem, Theologiae Symbolicae seu Hieroglyphicae, Salmanticae typis mandatae anno 1593. Scripsit etiam Theologiae item Symbolicae, septem alios tomos, quos tamen morte praeventus publicare non potuit. Ex Chrysof. Henric. Phamice, &c.*

IESU CHRISTI ANNUS. M. D. C.
Sancti Patris Benedicti, M. C. XX.

I Ubilaeo hoc anno, admirabili júbilo caelos implet, felicissimo transitu suo, Miraculum Angeli hominis sanctissimae memoriae Abbas, & Fulienfis Congregationis Legumlator & Patriarcha Joannes Barrerius (de la Barriere) cum rigidissimo suo Instituto & sanctissimis filiis, tali vitae praeruluxisset exemplo, quo non poterant non excitari atque accendi, ad tormenta quaevis pro Crucifixo Amore suo subeunda, cujus gratia concitati viri feminaeque, quotidiano sane Martyrio spontaneo, carnis quasi propriae obliti & sanguinis, sese victimas mactarunt, & immolarunt, in quibus omnibus & vivens quotidie & moriens Barrerius, ad triumphos Martyrum, aeternos hoc ipso anno, quarto Cal. Maij assumptus, Romae pretiosissimas attenuatissimi corporis exuvias deposuit, insignibus miraculis & revelationibus, & in vita & à morte à Numine illustratus, vir dum viveret & Regibus & summis Pontificibus summam Admirationi & Venerationi: *Cujus Anglicam conversationem, ait vitae ejus scriptor, Vita puritatem, morum integritatem, Religionem in Deum, humanitatem in proximos, in seipsum rigorem, admirandum potius quam imitandum, tota Europa miratur & veneratur.* Obijt aetatis 56. cujus sanctae Reliquiae per orbem sparsae, cor quidem in Fulienfi Monasterio, membra alia alibi religiose asservantur. *Ex Ludovico à S. Malachia, Carolo à S. Maria, Philippo Malabayla, Auberto Miraeo, &c.* Sed de prole sacra viri sanctissimi deinceps saepius pro immortalis saeculi nostri, & serae aetatis monumento.

Claudit similiter & coronat superius saeculum sine vitae suae beatissimo sanctae memoriae Monialis Numini dilectissima Domina Anna de Villaroel,

Canobij Sanctae Annae Abulensis in Hispania Professa. Fuit haec omni Virtutum genere cultissima, uti Christi decet sponsam, omni illarum circumamicta varietate, caeterum praeter omnem mulierum morem & consuetudinem, sacri Regularis Silentij longè studiosissima; jurata autem tenerri mi corpuseculi sui hostis, cum praeter acuratissimam sanctissimae Regulae nostrae observantiam, & consueta Religionis exercitia sacrumque rigorem, duris asseribus, iisque nudis pro lectulo uteretur. Singulis diebus vivifico Corporis Domini Sacramento reficiebatur; quo devotissime sumpto, in Ecstasi statim rapiebatur; cujus per omnia, Angelica verius quam humana conversatio, uti omnes mirè afficiebat, sic ad Virtutem potenter excitabat. Transijt, ut diximus, ad Regnum aeternitatis felicissima haec sponsa Anno Christi 1600. cum continuum ad mortem usque silentium observasset, aeternum deinceps pro Fratibus, & Sororibus ad Regem Regum loquutura, & pro nobis, qua rogat omnia, persuasura. *Michael Vaquerus, Vita B. Mariae Vola, &c.*

In Gallijs usa occasione anni Jubilaei sanctae memoriae Mariae nostra de Bellavillier efficacissime movente Libello supplici interpellat Clementem VIII. Pont. Max. suos Reformationis conatus toties frustratos quæstas, & rogans, ut sibi specialem liceret Vilitatorem deligere, quas ejus adeo sollicitas pro suis preces non sine multis praegaudio fuis lachrymis Pontifex magno animi legit solatio, omnemque ei & opem promisit & Benedictionem Pontificiam largè est impertitus, confirmans ejusdem propositum, & arumnas pie consolatus. Nec exprimisatis queunt difficultates & injuriae, quas etiam post haec impetrata sustinuit, pessimae denuo notae sacerdote Confessario in optimorum locum succedente, & multas jam sanctae Antistitae manus & animum dantes, gravissimis in Mariam calumnijs, ab omni bono proposito & Religiosiore vita abducente, ita ut nemo absque horrore legat Sacerdotis adversus Reformationem cum perditissimis conspirationem, nemo satis robur animi & invictum S. Abbatissae patientiam admiraretur. Et sane

Mors ejusdem felicissima.

Ven. Mariae de Bellavilliere successus & conatus.

Invictum robur anti-mirginis.

Sanctissime moritur B. Joannes de la Barriere.

Angelica fuit ejus vita.

V. Anna de Villaroel Mon.

sane immisisse hæc omnia, certè permisisse Optimum Numen in sponsam suam, & hæc ad exercitium patientiæ, & meritorum augendum cumulum, non aliter atque Jobo destinasse, dubium esse nemini debet; imo aliquoties veneno jam propinato, desperatam, coronæ Martyrum jam certam, conservasse, ut deinceps majora pateretur, & majora etiam præmia mereretur. Maria sibi constitit semper, semper quieta, humilis, supplex affligentibus, condonans in se peccantibus, deprecans pro DEUM offendentibus, jucundissimum DEO facta spectaculum, Mulierculæ Benedictum & Jobum Redivos, repræsentantis. *Ex Vita Ms. & monumentis Monast. Montis Martyr.*

Sæpe veneno propinato mirè servatur.

Ingenti hoc ipso tempore fructu laborant in Hispanijs nostri, florente imprimis, imo novo semper fervore accensa Congregatione Vallisoletana & Montferratensi, ex qua innumeri quasi doctrina & sanctitate viri Illustrissimi prodire, quorum plurimi, summa Ordinis nostri gloria & Regnorum Hispaniæ bono, in celeberrimis Universitatibus Complutensi, Salmanticensi & alijs, Philosophiam Theologiamque publicè professi, exemplo juxta sanctioris vitæ, juventutem miris modis ad altiora accendere. Sed in Regulari maximè Cænobio, & præstantissima Benedictinorum Universitate S. MARIE de Yrache, ingens nostrorum gloria, hoc ipso tempore præidentibus, Reverendis Magistris Fratibus Benedicto de Gacaza, & Emanuele Angles, ejusdem Cænobij Abbatibus (& qui perpetuus honor ejusdem Abbatis est) Universitatis Rectoribus. *Ex Antonio de Jeyes & diversis rerum Hispan. Scripsoribus.*

Viri illustres.

Joannes Princeps de Castro Mon. S. Vincentij.

anno à prædicto Romano Pontifice, pro meritis, Archiepiscopus Tarentinus creatus, de cujus laudibus fusè citatus *Antonius de Jeyes noster, tomo 7. cent. 7. Joan. Furvenis. lib. de Antiquit. Tarentinorum. Ferd. Ughellus, &c.*

Exsplendescit hoc ipso tempore meritis maximis, & splendoribus eximia Virtutis atque eruditionis, Illustrissimus Placidus de Tosantes, Concionatorum miraculum, Episcopus primùm Guadixensis, deinde Zamorensis, Regis Catholici ad Summum Pontificem, pro Immaculata Deiparæ Conceptione Legatus, ita ut in hæc Virginum Virginis, uti jam olim, nostri etiam hodie laborare nunquam desinerent, etiam nonnulli, Numine & Numinis Matre probantibus, miraculis consignarent. *Ex diversis rerum Hispan. Scriptis.* Fuit Monachus celeberrimi Monasterij nostri S. Amiliani, vulgo de la Cogolla, & acerrimè, uti verus Benedictæ Matris & Benedicti Patris filius, coram Pontifice & Cardinalibus Deiparæ immaculatissimam Conceptionem propugnavit. *Ex Mss. Hispan. & Sancti Turibij communicato.*

Placidus de Tosantes.

E sacra Cisterciensi familia celebrantur hoc tempore præcipue M. P. Petrus de Lorca, & Mag. P. Laurentius de Zamora, ille à Dionysio Cucho prolixè in Vita ejus operibus præfixa à summis Virtutibus & eruditione commendatus; hic, de quo jam supra, in omnibus suis mirificus. Petri sequentia opera celebrantur:

Petrus de Lorca.

In omnes Divi Thomæ partes, erudita & luculenta Commentaria.

Ejus ingenij monumenta.

In Primam secundam. Compluti Tomus 1. in folio.

In Primam secundam. Compluti item. Tomus alter in folio.

De Fide, Spe & Charitate Madriti in folio Libri 3.

De Notis Ecclesie in folio ibidem Lib. 1.

In tertiam partem Divi Thomæ de Incarnatione Tomus 1.

In præfatione ad Tomum de Incarnatione, multo plura ejus opera enumerantur. Laboravit idem, Veteri nostrorum consuetudine, in novis sacris Ordinibus demerendis, scripsitque insigni merito Apologeticum Tractatum doctissimum, contra eos, qui extinguere conabantur. Ordines aliquos noviter apud Hispanos exortos,

Propugnatio Reformationem.

ut Augustinianos, Recollectos, Trinitarios, Discalceatos, Clericos Minores & Mercenarios Reformatos; quem supremo Consilio exhibuit, quo Ordines defenderet, & adversariorum conatus reprimeret. *Chrysof. Henrig. Ang. Marique.*

IESU CHRISTI ANNUS. M. DC. I.
Sancti Patris Benedicti. M. C. XXI.

Evincit paulatim obstinationem Montis Martyrum Monialium, non sine præfenti DEIPARÆ ope, invictissima Virgo nostra Maria de Bellavillier, ulciscente Numine injurias dilectæ suæ iurias, & dante poenas horribiles Sacerdote illo, pacis turbatore, Reformationis hoste, tantæ Abbatiæ nequissimo calumniatore, & quidem inter calumniandum, mox emota mente, in rabiem acto, nec multo post misere absque ratione & poenitentia, extincto. Sed & illa senior, quam sibi Abbatissam suis conformem moribus & vitæ impudicissimæ, contumacissimæ Moniales deitina verant, morbo repente correpta, exerta horrendum, quâ toties impiè Mariam nostram impetierat, linguâ, & ipsa miserabile omnibus rebellibus spectaculum facta, immanibus torionibus, & corporis totius agitationibus terrificis omnium percellit animos, donec immemor injuriarum omnium sancta advolat Abbatissâ, & ferventibus precibus pro hoste sollicita in omnem se modum vertit miseræ juvandæ: donec miserante Deo sibi reddita in oscula Maria tota lachrymabunda, & amplexus concedens, rogaret veniam, totam se ipsi permitteret, & ad omnem Reformationem fore Ducem promitteret, ultro facta, sed ad terrificum Dei tribunal raptam, vidisse & audisse, quæ ipsa referre nullâ ratione posset. Et sanè DEIPARÆ & Bellavillariensis precibus donatam hanc animam esse, dubium nemini est; quam & Maria, uti antea in omnibus sibi reclamantem & adversantem habuit; ita deinceps ad omnia quæ vellet ultronæ, & promptissimam habuit, reliquis eo exemplo territis, & paulatim se accommodantibus, ita ut paulò post Monasterium illustrissimum, à Vita Regulari summè celebraretur.

In Hispania insigni vitæ effulget

sanctitate sanctæ memoriæ Frater Didacus Donatus Monasterij Vallis Paradisi, qui ibidem longo tempore conversatus, admiranda sanctæ simplicitatis & humilitatis exempla reliquit; cui DEUS inter orandum celestia, arcana, & Divina Mytheria revelavit, & futurarum rerum eventus gratiosissimè indicavit. Vir fuit in oculis suis humilis, & abjectus, sed in conspectu DEI, & hominum verè magnus, & diabolicis Spiritibus tantopere formidandus, ut solo ejus contuitu territi, illico aufugerent, qui post purissimam vitam sanctâ decedens morte, locum sepulturae in Claustro obtinuit, ubi per multos annos pernoctare consueverat, divinitus prævidens, illum tandem futurum locum suæ expectationis. *Ex Msto. quodam Hispan. & Chrysof. Henriquez.*

Ne autem ulli sæculo sanguinis gloriosissimi Martyrum nostrorum, preciosissima purpura deesset; primus felici exordio hujus sæculi initium consecravit & beavit, suumque generosum cruorem ad ornandum Sanctissimæ Matris Ecclesiæ vestem, lubens libensq; impendit R. P. F. Marcus Barckwortus, alias Lambertus, in Anglia Martyrium pro Fide Catholica passus: qui post diuturni carceris molestias, ex quo cum facile evadere potuisset, & alijs evadentibus, & ad hoc eum impellentibus sese conjungebat; maluit tamen, constanter, ultimam mortis sententiam pro Christi gloria præstolari. Post novem itaque examina, quæ ad judicum tribunalia subiit, tandem vigesima septima Februarij dicto anno Londini Martyrio affectus, coronam monasticam, sibi eo ipso die, quo coronandus Martyrio erat, & occisus fuit, tonderi curavit, habitum etiam Religionis (quem nimirum publicè portare in Anglia non licet) reinduens, in eaque fide mori, & pro ea, protestatus est, quam Ordinis sui Monachi, primi omnium Anglis prædicassent. *Ex Clemente Cynero, & c.*

Nil tamen territi nostri sive recentis hoc, sive tot aliorum superiori sæculo supplicio, tanto serventiùs & Apostolatus Anglicani & Martyrij exarsere desiderio, quos inter admirabilis ille Pater Candidus noster Nucalensis Alceta in patriam reverfus, ut Hyber-

Didacus
Donatus
Vall. Pa-
radisi.

Formidandus
Cæcæ
Moni.

V. Marcus
Barck-
wortus
Martyr.

Gaudens
mortem
subit.

P. Candi-
dus Nucalensis
nostri
sæculi vi-
racuum.

Maria de
Bellavillier
miri successus.

Pena re-
bellis mo-
nialis, &
penitentia.

Quæ viderit
& audierit.